

Zāmsg sebre

TĒEDB TAOOR SOABA

Dr. Les NORMA

Sebr Bilgri

Sebr ning yamb sēn zāad a tara yōod hal wusgo yāmb Wēnnaam tuumda yīnga.

Ya zamsego neb sēn deeged duniya tek fāa neb wusg paksa zamseg siis n zamseda tēedba ti b tōe n tōe maane Wēnnaam tuumde.

Ya Dr Les NORMAN n guls sebrā ! Zameseg 1- 41 ya Paster DELMA Daniel n dees ne moore la 42 – 86 ya Paster OUEDRAOGO Boureima.

Dr Les NORMAN be songre sūul sēn boond ti DCI Angliteer la bamb ne b paga wa BURKINA naor wusgo n kō zamsego AEAD seminer damba puse.

Maam tēedame ti zamseg seb kanga na song neb niis fāa sēn dat n maane Wēnnaam tuumda sēn yiid fāa buzemsa suka.

Woto a na yi neer karemsaaba fāa tōe paam a la ti Wendoog taor damba zams a bamb Ecole Biblika pugē wa missionnere zāmseg sebre.

D pusseda Dr Les NORMAN bark wusgo b sēn sak ti tōnd deesa ne moore. D bark puusem be reesdba, karemdba la gulsedba. D puseda ANTBA bark wusgo la Logos gulseg roog taore soaba b songr yīnga.

Ya Paster Philippe OUEDRAOGO n lut tuumda taore la yāmb sā n dat sebra wala a soaba kibare bi suke.

AEAD

01 B.P 4326 Ouagadougou 01

Burkina Faso

Tél: 43 05 15 Fax: 43 01 22

Email: philippe.aead@fasonet.bf

Wena songe!

42. BŌN-BĀN LA BŌN-KASEMS



Wēnnaam susa bāmba

KAREM-Y WĒNNAAM SEBRĒ WA:

Yikr 33:12-23; Tuuma 8

YĀMB SŪ-BĪNGR KOΞEGA

Neb-kuungā sēn wum a Fipip koeega la b yā bōn-bān-kasemes niis a sēn maana, b fāa maaga b mens n kelg a sēn togsā. Zīndāmb kelmame n yi n bas neb wusgo. La ki-boag ne komsrāmb wusg paama maagre. Tuuma 8. 5-8

RĒ POORE, GOM-Y BŌN-KĀNGA YELLE

Gōm-kānga vōor sud sud yaa bōe:a Zezi yaa yembr zaamē la rūndā la wakat sēn ka sate?

BŪMB Y SĒN TOG N MAAN SĒN DENG SEG-TAABĀ

Be neere, masā yāmb na n ti maana būmb ning yāmb sēn wumā. Kos-y Wēnnaam ti b gū yāmb wakat niis bāmb sēn na n wilg b ziirā la b belmā.

Tuumd y sēn tog n gulse, zāmsgā kaset sebrā yīnga. Guls-y bōn-yeesdes niis sēn be tuuma sebrā sapitr fāa puga. A sapitr fāa zugu, y na n gulsa rulg a yembre.

TAGS-VERSE KĀNGĀ GOM-BIL FĀA YELLE

Zā 14:12

Zāms-y neb a taab zāms-kāngā. Pvvs-y wakat fāa, la y segl meng neere, n paas yāmb mēng verse-rāmb la y kibaya, sēn na yilē ti zāmsgā paam pānga.

Yāmb bānga pipi tēedbā sēn maan to-to n bi tao-tao la b tall barkā bi?

- B pvusa pvvsg sēn yaa sōma la b talla yam-yāk-sōmse, tuuma 1.
- Neb sēn ta 3000 tēeme, tuuma 2
- B vumā ra bee barka, tuuma 2:42-47
- Rap sēn ta 5000, la neb sōor sēn ta 15000 tēeme, tuuma 4:4
- B ra tara lagem-n-ta-sōngo, tuuma 4:23; 5:11
- Tēedbā sōor da tara paasgo, tuuma 5:14
- B taoor dāmbā da yaa nin-sōma, tuuma 6:1-6
- Karem-biisā sōor paasdame, tuuma 6:1-7

Yaa bōe ti bōn-kāynse maand neb sēn namsed la sēn ka bāngdb suka? Būmb a ye tōnd sēn mi, yaa ti yaa bōn-bān la bōn-kasems sēn yit Wēnnaam nengē. La bōn-kāynse ket n bee ne rūnda bi?

1. EMANWELLE WĒNNAAM BEE NE TŌNDO

Kāab-kudgā bōn-bānā la bōn-kasemsā poore, tōnd fāagdā rogame ti tekr-kasēng sung n na n zīnd tēedbā suka. A Zezi waoongā tūnuga ne bōn-bāna, bōn-kasemse, maleekrāmba, vēnegr buud toor-toor, la bāngr goama, luk ne Matiye sapitr a 1 la 2.

WĒNNAAM NEBĀ

Bōe welg n be Wēnnaam nebā ne dūniyā rāmb suka? Yikr 33:15, a Moyiis yeela be ti yaa Wēnnaam sēn be ne tōndā la tōnd yaa neb sēn tōe n maan bōn-kasemsā. Tōnd ka vi ne būmb niis tōnd sēn zāmsa ye, yaa ne vēnegr bāngre, ne goam sēn yit Wēnnaam noorē, la ne rub ne pāng sēn yit Wēnnaam nengē, Matiye 4:4.

A ZEZI MAMSGĀ TŌND YĪNGA

A Zezi ka maan Wēnnaam daabā bala ye, b wilg b ba mē nonglem la b nin bāan-zoerā nebā yīnga. B kōo tōnd noor la pāng tud kēng n ti maan wa bāmba, la d maan tuum-kasems sēn yid bāmba. Zā 4:34, Ebru 1:3, Zā 14:12, Mark 16:20, Tuuma 1:8.

2. BŌE LA A ZEZI MAAN YĀ

MAAGRE

Tumtumdā biigā, Zā 4:46; a Pieer pagā ma, Matiye 8:14; wāoorā, Matiye 8:3; Ki-bogrā soaba, Matiye 9:2;

NEB A TAAB PAAMA MAAGRE

Rao a ye bāag sēn da tar a yuum pis-tā paama maagre, Zā 5:5;

Rao nug sēn ki, Matiye 12:10; sodaas koabg naabā tumtumda,

Matiye 8:5; pag bāag sēn tar-a t'a zum yit, Matiye 9:20, zōensa yiib paama b nini,

Matiye 9:27; Maan-kvud kasmā maagre Luk 22:51;

Kanan pag bipugla, Matiye 15:22, Wums la mugs maagre,

Mark 7:33, zoeme, Matiye 20:30, Mark 10:46; 8:23; Zā 9:1;

Wāoob piiga, Luk 17:12; Pag zīn bāag sēn tare, Luk 13:11;

Rao Bā-motg sēn tare, Luk 14:2.

KŪUM VUUGRE

Pug-kōarā biiga, Luk 7; 11 a Zayris bi-publā, Matiye 9:18, a Lazare, Zā 11:1-44; a Zezi meng vuugre, Luk 24:6, Zā 10:18.

ZĪN-DĀMB RIGBU

Zoang la muk zīn sēn tare, Matiye 12:22; 8:28; 9:32; Mark 1:26, biig kīsinkīir sēn tare Matiye 17:14.

BŌN-BĀN BUUD TOOR-TOORE

B kitame ti sebg yalse, Matiye 8:26; b kēna koom zugu, Matiye 14:25, b kāaba kakangā, Matiye 21:19; b vēnega b meng ne b karembiisā b kūumā poore. Zā 21:1

B KLTAME TL RLLB ZĪNDI

Koom lebga rāam, Zā 2:9; zīm yōgbo, Luk 5:6; Zā 21:6; Neb tus a 5000 la 4000 rlgre, Matiye 14:15; 15:32, Wēnnaam doog yaodo, Mat. 17:24.

A Zezi yaa yembr zaamē la rūndā la wakat sēn ka sata. Ebru 13:8.

3. WĒNNAAM TUUMA

Tuuma sebrā yaa sebr Wēnnaam sēn guls Wēndoogā yīng n na n wilg tōnd tēed vum sēn tog n yī to-to. Yaa sebr sēn tar sapita 20, la sapitr fāa puga, yāmb na n yāa bōn-yeesds la bōn-kasems buud toor-toor sēn maande.

Naoor wusgo, a zezi venega b menga, sug sōng tumdame, la maleek-rāmb waa neb nengē. Wēnnaam gomda ne neba, neb togsda bāngr goam la b gomd gom-zēna, la paamd yāab buud toor-toore, la neb yāka yam n tē.

Neb wusg paamda maagre, zīn-dāmd yitame, wusg paamda sug-sōng pidbu, la Wēnnaam buudā yaa vēnega, ti bōn-bān la bōn-kasems wusg maandē. Kiris tēed vum tog n yu woto. Ka vum sēn tog n pid ne yel-soalem wa wusg rūndā-rūndā sēn tagsdā ye.

SEBA SĒN GULSĀ WILGDA KIBARĀ

Naoor Wusgo, a Poll goma bōn-bān la bōn-yeesdes yelle, karem-y Romē dāmba 15:17-20; Galatē dāmba 3:5 la 2 Timoti 4:17. Ebru 2:4 yaa gulsd a to kaseto, la a Piyeer ne a zak ra mii vēneg ti Wēnnaam tara pāng sēn tōe n maage, 1 Pieer 2:24, Zak 5:14-15.

Sēn zems yuum 400 Wakate, a Ogistin sēn da yaa Wēndoog Kasma gulsa sebr n wilg bōn-bān niis sēn maan Afrik nug goabg. Bōn-bān-kāynse kell maana pipi tumtumbā wakate.

4. BŌN-BĀNĀ YAA BŌE YĪNGA?

Bōn-bānā ka wala gesr buud sēn wat ne yaeesg ye. B ka maan n na zēk ned ning Wēnnaam sēn tumd ne wā ya. B leb n ka bagr buud, wala ninsaal tasg ye.

B yaa bān sēn wilg ti Wēnnaam ka zār ye. B wilgda bāmb ninbāan-zoecera ne neb niis sēn be

toogā puga, wal zīn-rāmbā sēn namsd-b rāmbā. Bōn-bāna wilgda kūum dapikā ne a Zezi pāngā, Tuuma 5:12-14


5. YĀMB SĒN TOG N MAAN TO-TO SEGL SO BŌN-BĀNĀ YĪNGA

Pipi, da yim-y ti kos a Zezi t'a Maan rūndā wa a sēn maan zaamē wā ye; n pids b goamē ne bōn-bān buud toor-toore, Zak 4:2, Ebru 13:8.

TĒEG-Y BŪMB A TĀAB YELLE, PĀNGA BAOOB YĪNGA
Pēgre, koe-moonego, la puusgo? Wa karen-biisā sēn maana, Kēng-y zīgā fāa, n kos Zu-soabā t'a tum ne yāmba, Mark 16:20.


Puusg roogo, nebā buud fāa yīnga

Puus-y Marok yīnga



Larbrāmb la berber rāmb 30 000 000.
Neb koabg puga, 99 yaa moeemba;
tēedbā sōor yaa 400.
Yuum 500 sēn deng Zezi rogmā,
Tēedbā sōor da waoogame,
Namsgā bee be masā.

43. MAAG-Y BĀAD-DĀMBA



Kolg-y-yā a Zezi yāmb sēn dat Bāmb wakate

KAREM-Y Y WĒNNAAM SEBRĒ WĀ

Yul-sōng 103 la Matiye 8:1-17

YĀMB SŪ-BĪNGR KOEĒGA

Bāmb meng zu tōnd yel-wēnā Bāmb yīngā pugē dapikā zugu, ti tōnd sēn ki ne yel-wēnā, tōnd na vi n maan turga. La yaa Bāmb yīngā bugb yīng la yāmb paam maagre.

Ptyeer 2:24

RĒ POORE, GOM-Y BŌN-KĀNGĀ YELLE

Ges-y zīig ning b sēn sok ti ānd n tōe n maagā? B sēn sōdg būmb ninsā suka, yāmb bee zī-bugo? Boē gidgr n gidgd yāmb masa?

BŪMB Y SĒN TOG N MAAN SĒN DENG NINDAAR SEG-TAABĀ

Kos-y Zu-soabā ti B tae yāmb n kēng bāad-dāmbā nengē, la sak-y ti b tae yāmb ti y seg la y yā la y rik weer n kelg neda, ba a soabā sā n ya sāana. Kēng-y nin-kāense nēngē, la baa b sā n ka tē bi y maag-b ne a Zezi yvure.

TUUMD Y SĒN TOG N GULS ZĀMSGĀ KASET SEBRĀ YĪNGA

Ges-y kāab-paalgā pug n guls wakat nins a Zezi sēn maag bāad-dāmbā, la y guls wakat la manesem nins bāmb sēn tūnug n maag nebā.

TAGS-Y VERSE-KĀNGĀ GOM-BIL FĀA YELLE

Tuuma 14:8-10

Zāms-y neb a taab zāms-kāngā. Pvvs-y wakat fāa, la y seg! y meng neere, n paas yāmb mēng verse-rāmb la y kibaya, sēn na yulē ti zāmsgā paam pānga.

1. MAM YAA ZU-SOABĀ SĒN MAAGD FOOM

Matiye 9:35 Wilgda tōnd t'a Zezi kēngame n ti moon koeega, n zāms neb la a maag bāad-dāmbā. Zā 14:12 yeta tōnd t'a Zezi ratem yaa ti ned ning fāa sēn tēed

Bāmb segd n maana tuum nins Bāmb sēn maanā, la b maan tuum-kasems sēn yud Bāmba sēn maanā. A Poll gulsa Rom dāmba 15:19, n yeel ti yē moonda kiris koe-noogā ne "goama, la ne tuuma, ne bōn-bān-kasemse, la ne bōn-yeesdse".

A Zezi kōo b karen-biisā noor ti b "maag bāad-dāmba", la b ra pvvs b yīng bal ye. Dūniyā tek fāa, neb nins sēn tēedbā togsda a Zezi sēn maand to-to rūndā zamaanā n maagd sugā, la b maagd yīngā, la b kōt sūur laafi, baa ne yi-kāadem la ligd yel puga; ti bala Bāmb daabā ne tōnd yaa ti tōnd yi yīng a yembre, sūur a yembre, la sug a yembre.

2. WĒNNAAM SEBRĀ ZĪIS WUSGO, B GOMDA MAAGR YELLE

Yāmb sā n duk sūpīim n kōs Wēnnaam sebrā seb-vā-neng yaar zugu, yāmb na mik ti gom-bil ning sūpīimā sēn selā gomda Wēnnaam nonglmā la b maagrā yelle.

Bāag yaa ninsaal lvus n wat ne. La hal sungr wēndē n ti tāag masā, Wēnnaam kāaba B fāagrā la b barkā. Sing 3:15; 21.

Yikr 3;7, tōnd yātame ti Wēnnaam yēesda B nebā nintām la B fāagd-b ne toodo. Bāmb tumda ne a soab ning sēn sakd Bāmb la a tar ratem sēn yaa sōma.

Yikr 15:22-26 puga Zu-soaba, sungame n na n vēneg B meng wa Wēnnaam sēn maagda. B wilga a Moyiis raoog sēn mamsd kūum dapikā. B sēn n duk ra-Kāng n los ko-tusengā puga, b yāame ti koomā lebga noogo.

Sōdb 21:4-9 puga d karemdame ti wiis rūma Wēnnaam nebā, b gom-wēnsā yīnga. Baoosg zānga, Zu-soabā yeela Bāmb ti b bas b nodā gesg la b zek b nens n ges yīngr ti b na n paama vum. D yāta bōn-kāng Ebru 12. 2 Beene, b yeta tōnd ti d bas būmb nins sēn tōe n gidg tōndā la d gesa Zezi. Tōnd ka tōe n ges zīis a yiib wakat-yeng wa gomtuvg ye. Dē yīnga, tōnd tog n yāka a yembre: Tōnd yelā, wal Wēnnaam kāabgā.

A Zoob paama toog sēn ka tōe n bilgi la baoosgo a paama maagre, la a paama bark n yud pīnda. Zoob 42.

A David yeelame ti b maagda tōnd bāasā fāa. Yul-sōng 103:1-5

A Malaasi yeelame ti Zu-soabā tara maagr B pīgsē wā. Malaasi 4:2

A ZEZI WAAME N NA N MAAN B BA WĀ RAABO

Ebru 10:9 Mamsg n be a Zezi sēn maag neb sēn dat maagre. Woto wilgda ba wā raabo. Ges-y sēn sōdg zāmsg 42.

Sūd kaset rāmb a tāab n be Wēnnaam sebrā pug n wilgd vēeneg t'a Zezi maagda bāad-rāmba.

1. No-rees a Ezayi goma a Zezi yell yuum koabg sēn deng b waoongā. karm-y Ezayi 53:4-6.
2. A Matiye sēn yi kaset soabā yeelame t'a Ezayi sēn togsā be a Zezi nengē. Karem-y Matiye 8:17
3. Kaset soab a Ptyeer wēnemd n gesa a Zezi n yeel t'a Ezayi sēn da gomā paama pidsgu. Ges-y 1 Ptyeer 2:24

3. MAM MAAGR YITA YE?

"Wēnnaam goamā yaa nana, a maanda bōn-yaesdse, a yēbga a Zezi zug, la a be wakat sēn ka set yīnga".

Yāmb ka ne ti Wēnnaam goamā yeta tōnd ti tōnd maagrā ya a Zezi n kō tōnd B dapikā zug kūum sēn zīnd yuum 2000 sēn loogā. Yaa dapikā la tōnd get n paamd maagre, tōnd ka get būmb nins sēn wat ye. Tōnd yāame t'a Zezi ra tēeme la a reege, n puvs bark ne tēeb la a yaool n vuuse; Bī f bas Zu-soabā ti B maan n baase.

4. KŪUNA YAA NED A YE BL NEBĀ FĀA YĪNGA?

1 Korēnt rāmda 12. 9 zāmsda tōnd ti Sug-sōng kōta maagr kūun bāad-dāmb yīnga. Maagr kūunā yaa buud toay-toaya. Ka maagr kūun ned a yembr sēn tar n tumdē ye, bala d sēn mi vēeneg ti rap la pagb tara tēeb la maagr kūun n yud b taaba.

TŌND FĀA TŌE N MAAGA BĀAD-DĀMBA

Daarninga; yāmb tagsdame ti yāmb tēebā ka zem baa fu ye; la yāmb bāngame ti tōnd fāa tōe n maaga bāad-rāmb ne Wēnnaam bark ning pug B sēn bool tōnd tumdā yīngā. La ka be ne tōnd mengā tēeb sēn be zīig ning ye.

5. ĀND N TŌE N MAAG BĀAD-RĀMBĀ?

- Tum-tum-Bedā, ges-y 2 Kor 12:12
- Karen-saam-dāmb sēn get-b piisā yelle, Ezekiyell 34:4
- Koe-moondb sēn maand bōn-bān-kasemse, ges-y tuuma 8:7
- Karen-saamb-dāmb sēn tar sik-m-menga, Mark 16:20
- Wēnnaam no-rēesdbā, 1 Rīm-rāmb 17:21
- Wēnd doog kasem-dāmba, Zak 5:14
- Wēnd doog yel-getba, tuuma 6:5
- Neb nins sēn tēed-bā, Mark 16:17

6. TŌND NA N MAANA WĀN TL BŌN-BĀN MAANE

Wēnnaam sā n tae yāmba, n kō yāmb ratem-kaseng la B sōng yāmba, yāmb tōe n maaga bāad-rāmbā, sēn ya zīig ning fāa la wakat buud fāa; ka Wēnd doogē wall koe-mooneg zīigē bal ye.

1. Kisg-y ka-laafi
2. Paam-nonglem kaseng nebā yīnga. Woto na n sōnga yāmb ti y maag-ba.
3. Sēn ya zīig ning fāa, zāms-y nebā ti b maan tēeb la b puvs b mensā yīnga, sā n ka rē bī y peng-b tēeb ning yāmb sēn tarā.
4. Bao-y Sug-Sōng pidb ne y sūurā fāa, Tuuma 3:6
5. Kos-y Zu-soabā ti b wilg yāmb y sēn segd n puvs to-to. D duk namsgo:yaa bā-kāngā bī yaa zīn-dāmba n tar nin-kāngā?


6. Loe-y yā a Sutaan sēn wat ne komslem sugā ne a Zezi vuure.
7. Da maan-y rabeem ti puvs būmb ning sēn wa ne ka-laafi wā, la y rig t'a loog ne a Zezi vuure. Bāmb yiisda bāagā yēgre.
8. Ne puvsgo, nug tikr la kaam sōogre, puvs-y ti Wēnnaam pāngā wa Mark 6:13.
9. Mogd-y ne y sūur fāa n paam tōogre. A Zezi meng puussa rao a ye yīng n yulme.

Puvsog roog nebā buud fāa yīnga.

Puvs-y Rusi yīnga



44. RIG-Y ZĪN-DĀMBA



Yāmb na n bānga sīdā,
la sīda na n kōo yāmb lohorom

KAREM-Y-Y WĒNNAAM SEBRĒ WĀ

Galatē dāmba 3:1-14 la Tuuma 8:1-25

YĀMB SŪ-BĪNGR KOΞEGA

Wēnnaam biigā waame n na n sām sutāanā
tuuma 1 Zā 3:8

RĒ POORE, GOM-Y BŌN-KANGĀ YELLE

Gom-y yā a Zezi sēn maan būmb ning dapika zugu.
Yāmb paama y yel-wēnā sugri, n paam fāagre,
maagre, lohorem la y paam barka. Kūs-y sutāanā
tuumā fāa.

BŪMB Y SĒN TOG N MAAN SĒN DENG NINDAAR SEG-TAABĀ

Ges-y kāab-wēns niis sēn paam yāmb y vumā puga,
sā n yaa rūndā wall wakat sēn looge. Kēng-y n ti yā
yāmb karensaambā, wall kasem-dāmbā, wall yāmb
zoa rāmb sēn puvsde. Kos-y bāmb ti b lagēm yāmb n
puuse. Wilg-y yāmb yel-wēnā, la yāmb yaab-rāmbā
yel-wēnā, n naag taab n kos Wēnnaam ti b sōng
yāmba. Tēeg-y būmb a yembre:Wēnnaam kisa wuk-
m-menga, la yāmb sā n sik y menga, B na n ninga
yāmb zug barka.

TUUMD Y SĒN TOG N GULS ZĀMSGĀ KASET SEBR YĪNGA

Ne mamsg niis b sēn kūsā, guls-y n pids-y seb-vā-
nens a yiib n togs ninsaal sēn maan būmb ning ti
kāab-wēng wa a zugu.

TAGS-Y VERS-KĀENSE YELLE

Sōdb 23:19-23

*Zāms-y neb a taab zāms-kāngā. Puvs-y wakat fāa, la
y segl y meng neere, n paas yāmb mēng verse-rāmb la
y kibaya, sēn na yilē ti zāmsgā paam pānga.*

1. FĀAG-Y TŌND NE WENGĀ

Galatē dāmba 3:2-5, tōnd yāta be ti bāmb linga a Poll. Yaa
Wēnd dotā leb-poorē wā; yaa wēndot sēn bāng sīdā, la ka
rē bal ye, b reega Sug-sōngo la b bōn-bāna. Masā, bāmb
wēnemd n basa Wēnnaam, ti b sū-noogā sa ti b tēed koe-
noog a to. Bāmb lebg n waa ninsaalbā tūudmē wā n baood
lagem-n-taar ne bu-zēmse. A Poll zaba ne bōn-kāngā,
Galatē dāmba 4:8-11, 5:7-12, n soke:

" ĀND N BELG YĀMBA "

Belgr yaa gom-bil sēn dat n yeel ti yaa ned sēn bas a
meng ti wēngā tudg-a, ned sēn tudg a meng ne zāmb
karengo.

Wakat ninga, yel bee tōnd vumā puga, tōnd zagsā puse, la
tōnd wēnd dotā puse, n ktūdē ti tōnd ka leb n ne sugā leokr
ye.

Yāmb vumā sā n yaa woto, tēeg-y wakat fāa ti
Wēnnaam dat n ninga yāmb zug barka, n kō yāmb sū-
noogo, yīins laafi, kamba, tōogre, arzeka, la b kō yāmb
bāmb lohormā. Tōod 28:1'14.

2. NED BELGA YĀMB BL?

Belgr la kāab-wēng yaa būmb sēn wat ne sū-sāang kasenga.
Ti bala, b gidgda Wēnnaam barkā, n wat ne tood yāmb
vumā puga, la yāmb zāka puga. Ges-y Tōod 28:14-68 B
gomda bānā yelle beene.

- Vum sēn pid ne sabab-wēnse, 28:29
- Kiri, la yel sēn tōe paam paga, 28:18
- Naong sēn pa sate, 17, 29, 47-48
- Yāmb ka na n tol n paam tōogr ye 38
- Kūum
- Zozoe 6:26, 1 Rīmdāmb 16:34
- Paoogre 25-44
- Kāadem sāoongo, zak lvuse, zu-lebre, gāeemd la sū-
sāams buud toay-toaya, 34, 20, 28, 65, 30, 41.
- Bāas sēn kaoosd la bā-wēns buud na n yōka yāmb ne
y yagense, 21, 22, 27, 35, 59, 61,
- Namsgo, 33

Mamsg wusg beeme, ti wakat kēere, yaa belgr n wat ne
bōn-kāense,

3. KĀAB-WĒNSĀ YITA YE?

AD KĀAB-WĒNS NINS WĒNNAAM SĒN KĀAB NINSAALA:

- Tuum sēn ka yaoodo, Singr 3:17; 5:29
- Yeebdo, sung 4:14
- Yemba Singr 9:25
- Dūni wā neb sēegr sung 11:1-9

A SUTĀAN POORĒ DĀMBA

Ned sā n tuus foom zaalem, yaa wa yirg sēn looge, wall
a silaall sēn yike. A tuvsḡā ka tōe n maan foom būmb
ye.

Yel-būna 26:2

TÓND KÁAB-WĒNG TÔE N PAAMA BÔN-KÄENSE PUGĒ

Gom-wēnse; yelbūna 18:21

Yoobo, Tōod 27:20-23

Bôn-naands waoogre, Tōod 27:15

Zāambo, Tōod 27:17-18

Ba la ma paogre, Tōod 27:16

Wēnnaam tuumā maaneg ne rok-m-zugē, Zermi 48:10

Ninsaal teegre, Zermi 17:5

Toor-kae ne zoensā, yel-bāna 28:27

Wēnnaam zuubu, Malaast 3:9, ne būmb a taaba

BŪMB A TAAB ME TÔE N WAA NE KÁAB-WĒNS TÓND ZUGU

Modg-yaalse, yīng ratem la tags-wēnse, Wēnnaands puusgo. Tōe ti tōnd yaab-rāmba paama kāab-wēnse, ti tōnd reeg n namsdē tōndo.

A Zezi bal n tōe n yiis tōnd kāab-wēnsā. Bāmb n kitud ti kāab-wēnsā looge, ti Wēnnaam barkā wa.

4. WĒNNAAM DEEGA TÓND ZĪIG DAPĪKA ZUGU

B kaa Bāmb dapikā zug tōnd tuum-wēnsā yīnga

B pāba Bāmb tōnd yel-wēnā yīnga

B sibga Bāmb ti tōnd tōe n paam laafi

B buga bāmb yīnga ti tōnd tōe n paam maagre

Ezayi 53, 1 Pyeer 2:24

Bāmb deega tōnd yel-wēnā, sēn na yilē ti tōnd zems zānga. Bāmb saka kūum ti tōnd tōe n paam vum sēn ka seta. Bāmb lebga naong soaba, ti tōnd tōe n paam arzegse. B kiswa bāmba tōnd yīnga.

2 Kor. 5:2, Ebru 2:9; Rome dāmba 6:23, 2 Korentē dāmba 8:9, Efeez rāmba 1:5-6.

TÓND SĒN DA TOG N PAAM KÁAB-WĒNGĀ, TÓND PAAMA BARKA

Tōnd tuumā sēn da yaa zaalma b ka na n le yi zaalem yes ye. 1 Korentē dāmba 15:58

Tōnd sēn da kēnd n ka mi d sēn dabdē wā, tōnd kēndā tara vōor masā. Mat 28:19

Tōnd sēn da yaa yembsā, tōnd paama tum-tum-kaseng boolle-Filipē dāmba 2:6

Tōnd sēn da welgā, tōnd tōe n lagma taab n deeg paam pānga, Singr 11:6

Dūni wā sēn da sāeegā, a abram ning nebā buud fāa zut barka, Singr 12:1-3

A ABRAM PAAMA BARK WĀN-WĀNA?

A Abram paama bark buud toay-toaya. Tōnd me paama bark ne kāabg ning Sug-sōng sēn kāab tōndā, ti tōnd tōe n paam pāng n maan Wēnnaam tulsem nebā buud fāa yīnga, Singr 24:1, Tuuma 1:8.

5. NA-YAKEM A YOPOE TÓND SĒN TOG N YĀK N PAAM YOLSG NE KÁAB-WĒNSĀ

Belgr yaa sus-wēnsā tuuma; yaa ninsaal sēn puusd yaal-yaalā n wat ne bôn-käense, la karem-y Zā 4:4 la 3:8. Puusg sēn puusd ne a Zezi yuurā la a pāngā sāamda sus-wēnsā pānga/ Kos y ba-bi-rap la ba-bi-pogs yāmb sēn kis sud ne; la yāmb sēn nonge, ti b puus bôn-käense a yopoe wā yīng ne yāmba.

1. Sak-y ti yellā bil yaa sugā

2. Tek-y yam n kos sugr yel-wēn nins sēn wa ne yellā, n wēnemd n bas-b ne Wēnnaam sōngre, la y yāk yam n tū a Zezi sēn yaa yāmb fāagd la y Zu-soabā.

3. Reeg-y sugr ne a Zezi yuure, la y kō neb nins sēn beeg yāmb la b sām yāmb sūurā sugri.

4. Kus-y-yāa a sutāan ne a tuum-wēnsā buud fāa

5. Tēeg-y-yā Sutāan a Zezi zumā yelle; la b sēn sām a pāng dapika zugā yelle.

6. Kos-y yāmb zo-rāmba ti b kus wēng buudā fāa, la y yeel-b ti b looge, ti kāab-wēnsā fāa pāng sāama ne a Zezi yuure.

7. Sak-y ti Wēnnaam sugā pid yāmba, la y waog a Zezi wakat fāa, n vumd ne Wēnnaam sugā la Wēnnaam goamā.

Puus roog nebā buud fāa yīnga

PUUS MALI YĪNGA



Nin sabs 10 000 000

Buud 33, neb koab pugē, 10 bal n karme

Neb kaobg pugē, 86 yaa moeemba,

ti neb a naasā yaa Kiris tēedba

B fāa vu nan-kaseng puga.

45. PIPI NA-YAKMA



Tēed-paals pipi na-yakma

KAREM-Y Y WĒNNAAM SEBRĒ WĀ

Tvuma 2:22-47

YĀMB SŪ-BĪNGR KOΞEGA

"Bɪ y tek yam n kos sugr ti y ned kam fāa sak koom līg ne a Zezi Kiris yvure, y yel-wēnā sugr kūun yīnga. La y reeg Wēnnaam kūunā sēn yaa Sug-sōngā". Tvuma 2:38

RĒ POORE, GOM-Y BŌN-KĀNGĀ YELLE

Yāmb fāa teka yam n kos sugri, n deeg līgu, n deeg Wēnnaam Sugā la y lagem Wēnnaam nebā. A sã n ka woto bɪ y ges yāmb sēn na n maan tot-to masã.

Y SĒN TOG N MAAN SĒN DENG NINDAAR SEG-TAABĀ

Guls-y Wēnnaam goāma zāmsg seb yāmb sēn tar pugē, wal sēn be tēedb a taab nengē, baa sã n yaa seb koosg roogē.

Bao-y gom-biis bilgr seba, Wēnnaam goamā bilgr sebā, la seb a taab sēn wēnd woto. Seb-kāense na n wilga yāmb zīg niis yāmb sēn tōe n kēng n ti zāmse.

TUUMD Y SĒN TOG N GULS ZĀMSGĀ KASET SEBR YĪNGA

Koom līg buud a wān la yāmb tōe n yā kāab-paalgā pugā. Gom-y rē yell seb-vā-nens a yiib zugu.

TAGS-Y VERS-KĀNGĀ YELLE

Koloosē dāmba 3:1-10

Zāms-y neb a taab zāms-kāngā. Pvus-y wakat fāa, la y segl y meng neere, n paas yāmb mēng verse-rāmb la y kibaya, sēn na yilē ti zāmsgā paam pānga.

Tōnd sēn karemd Wēnnaam sebrā, tōnd yā a Pīyeer sēn moon koεeg n gom a Zezi yell ne neb-kuungā. Nebā zoeeme n na wa ges būmb ning sēn maan, pipi tēedbā sēn pid ne Sug-sōngā zugē. Neb-kuungā sēn wūm ti b gom Wēnnaam biig a Zezi waoongā ne b vumā yellā, la b sēn ki kasem-dāmbā nusē wā, la b vuugrā ne b sēn zī b ba wā rtgā, b soka a Pīyeer:

1. BŌE LA TŌND NA N MAANE?

A Pīyeer leokrā sēn be tvuma 2:38 wilgda tōnd būmb a tāab sēn tōe ti tōnd lebg bāmb dēnda. La yaa bōe ne bōe?

SUGR KOSGO

Tōnd sēn na n kos d yel-wēnā sugr yaa Sug-sōng sēn na n gom d sūurā pugā, d bāng ti Wēnnaam taoore, tōnd yaa yel-wēn-maandba. Tōnd sūurā sāmnda ne d mengā ti tōnd wilg bāmba n yaool n kos sugri.

Sugr kosg yaa gomd sēn dat n yeel ti d wēnemdedame n leb tōnd sēn yitē wa. Tōnd sēn na n kos sugr yaa tōnd sēn na n bas dūni wā yel-wēnā soay tūub, la d yāk yam ti kēnn Wēnnaam sorā zugu, n kos bāmb ti b sōng-do.

KOOM LISGU

A Pīyeer yeelame ti sugrā kosg poore, ned kam fāa tog n paama līsug ne a Zezi Kiris yvure. Woto wilgdame t'a paama a yel-wēnā sugri. Koom līsug yaa minun-kudg nebā sēn da lagemd zuuf-rāmba n maandē, sēn na yilē ti nebā bāng a Pīyeer gomdā vōore. La ne neb niis sēn tūud a Zezi wā, koom līsug minungu. A yaa zu-soabā tūubu, la a pakda vum-paalg sor ti tōnd lebg buud a yembre.

SLLG-SŌNG KŪUNĀ REEGRE

Tōnd ka tōe n vumd tōogr la tēeb vum, sã n ka ti tōnd paama sugā pāng la b belmā tōnd pugē ye. Yaa Sug-sōng n tōe ti tūudum-yoodā paamd lagem-n-taar ne Wēnnaam.

Tōnd datame ti b wa pid tōnd mensā vum, la tōnd ne tēedb a taabā vum. Ti reeg bāmb tōnd vumā pug yaa būmb sēn tar yōod wusgo. Yaa woto yīng t'a Pīyeer yeel ti yaa pipi būmb tōnd sēn tog n maane. Tōnd sã n paam līsug, b kōta tōnd Sug-sōng ti d yū. 1 Korentē dāmba 12:13

2. A ZEZI MENG REEGA KOOM LISGU

Matiye 3:13-17wā pugā, b gomda a Zezi sēn yaa mams-kasengā yelle. B sēn līs bāmb n sa wā, b Singame n na maan b Tvumdā.

KOOM LISUG WILGDAME TI TŌND SAKA A ZEZI

Matiye 28:19, a Zezi yeelame ti nebā tog n paama koom līsug, la a leb yeela Zā 15:15 wā zīgē ti tōnd sã n sak bāmb noorā, tōnd yaa bāmb zo-rāmba. Tvuma 5:32 me gomda bōn-kāng yelle.

ĀND N TOG N PAAM KOOM LISGU?

Wēnnaam sebrā pugā, tōnd yātame ti yaa tēedbā bal n deeg kōom līsug. Ti tū a Zezi yaa yam-yākr sēn yaa kasenga, la baa bi-bilf tōe n tēeme. Rēnd Wēnnaam sebrā